

Kalaallit Nunaanni nammineq aningaasartuutiginagu eqqartuussisulersuussisarneq pillugu nalunaarut

Kalaallit Nunaanni eqqartuussisarneq pillugu inatsimmi § 254, imm. 3 aamma § 256 naapertorlugit, tak. inatsit nr. 1581, 13. december 2016-meersoq, aalajangersarneqarpoq:

§ 1 Nammineq aningaasartuutiginagu eqqartuussisulersuussineq pillugu aalajangiinerni isertitanit akileraarutit pillugit Inatsisartut inatsisaanni § 75 malillugu isertitat A-t aamma isertitanit akileraarutit 10.000 kr.-inik ilanngaasikkat pillugit Inatsisartut inatsisaanni § 74 malillugu isertitat B-t, tak. Kalaallit Nunaanni ingerlatseqatigiiffiit iluanaarutinit akileraarutaannit iluanaarutaasinjaasunit ilassutit ilanngullugit isertitaasa akileraarusernissaat pillugu Inatsisartut inatsisaanni § 21, imm. 1 malillugu assigiimmik ilanngaat, tak. isertitanit akileraarutit pillugit Inatsisartut inatsisaanni § 86, katinnerat isertitanut tunngavittut atorneqassaaq.

Imm. 2. Imm. 1 malillugu naatsorsuinerni ukiup siuliani isertitat inaarutaasumik naatsorsukkanit ersetut aamma ukiumi pineqartumi Kalaallit Nunaanni ingerlatseqatigiiffiit iluanaarutigisinjaasaannut uppernarsaatit malinnejqassapput.

Imm. 3. Qinnuteqaateqartup isertitai tunngaviusut imm. 1 malillugu naatsorsorneranni 315.000 kr.-iuppatu ikinneruppataluunniit Kalaallit Nunaanni eqqartuussisarnermik inatsimmi § 254 malillugu nammineq aningaasartuutiginagu eqqartuussisulersuussisoqarnissaa nalunaarutigineqarsinnaavoq. Qinnuteqaateqartoq inooqateqarpat aappariit ataatsimut isertitaat 400.000 kr.-iuppatu ikinneruppataluunniit nammineq aningaasartuutiginagu eqqartuussisulersuussisoqassasoq nalunaarutigineqarsinnaavoq. Aappariit suliami akerleriinnik soqutigisaqarpata, qinnuteqaateqartup nammineq isertitai aamma kisimiittut isertitaannut killiliussaq malinnejqassaaq. Tak. Kalaallit Nunaanni eqqartuussisarnermik inatsimmi kapitali 27, aappariinneq imaluunniit angajoqqaatut oqartussaaneq pillugu suliani qinnuteqaateqartup nammineq isertitaanut aamma kisimiittut isertitaannut tunngatillugu killiliussaq aamma malinnejqassaaq.

Imm. 4. Imm. 3-mi aningaasat meeqqanut tamanut 55.000 kr.-inik qaffanneqassapput, qitornassat qitornarsiallu 18 inorlugit ukiullit qinnuteqaateqartumi najugallit taassumanngaluunniit pilersorneqarnerusut ilanngullugit eqqarsaatigalugit.

§ 2 Tunngaviusumik isertitat § 1, imm. 1 malillugu naatsorsorneranni qinnuteqaateqartup isertitai paassisutissiissutigeqquneqartunit allaanerungaatsiarpata massakkut isertitat tunngavagineqassapput. Tamannattaaq qinnuteqaateqartup tunngaviusumik isertitaanut naatsorsorneqanngitsunut atuuppoq.

§ 3 Qinnuteqaateqartoq 18 inorlugit ukioqarpat angajoqqaat aningaasaqarnerat aammattaqaq eqqarsaatigineqassaaq.

§ 4. § 1 aamma § 2 apeqqutaatinnagit suliapi aningaasartuutit pisarnermit annertunerunissaat missingersorneqarpat ileqqoq malinnagu nammineq aningaasartuutiginagu eqqartuussisulersuussinissaq nalunaarutigineqarsinnaavoq.

§ 5. Nammineq aningaasartuutiginagu eqqartuussisulersuussinissaq pillugu qinnuteqaateqartut arlariippata suliapi aningaasartuutit qinnuteqaateqartut ataatsimoorlutik akilersinnaaneraat aalajangiiniarnermi eqqarsaatigineqassaaq.

Imm. 2. Suliap inernerara arlariinnut pingaaruteqarpat qinnuteqaateqartoq ataasiinnaagaluarpualluunniit tamannattaaq atuutissaaq.

§ 6. Eqqartuussisulersuussinissamik qinnuteqaateqartup naammattunik tunngavissaqarneranik nalilersuinermi makku ilaatigut ilanngunneqassapput

- 1) Suliap qinnuteqaateqartumut pingaarutaa,
- 2) Qinnuteqaateqartup suliapi taperserneqarnissaa ilimanarnersoq,
- 3) Suliaq pineqartup annertussusia,
- 4) Aningaasartuutissatut naatsorsuutigisat annertussusiat,
- 5) Suliaq allaffissornikkut suliarineqarsinnaanersoq aamma
- 6) Suliaq atuisartut naammagittaalliuuteqartarfiannit, ineqarneq pillugu naammagittaalliuuteqartarfimmit tamakkununngaluunniit assingusumik naammagittaalliuuteqartarfimmit aalajangiiffigineqarsinnaanersoq.

§ 7. Akileraarutinut oqartussat 2015-mut inaarutaasumik naatsorsugaat ilanngullugit qinnuteqaateqartup nassiuressavai. Qinnuteqaat December 2017-mi tunniunneqassappat taamatuttaaq 2016-mut inaarutaasumik naatsorsukkat ilanngunneqassapput. Qinnuteqaateqartoq inooqateqarpat inooqataasumut inaarutaasumik naatsorsukkat ilanngunneqassapput. Taamaattorli aappariit suliapi akerleriinnik soqutigisaqarpata tamanna atuutissanngilaq.

Imm. 2. Ukiumi isertitaqarfimmi 2015-mi qinnuteqaateqartoq inooqataasorluunniit Kalaallit Nunaanni ingerlatseqatigiiffinnit iluanaarutinik akileraarusigassanik tigusaqarsimansoq qinnuteqaateqartup paassisutissiissutigissavaa, tamaattoqarpallu tamatumunnga uppernarsaat ilanngunneqassaaq.

Imm. 3. Meeqqat amerlassusiat qinnuteqaateqartup paassisutissiissutigissavaa, qitorressat qitorressallu 18 inorlugit ukiullit qinnuteqaateqartumi najugallit imaluunniit taassumannga pilersorneqarnerusut ilanngullugit eqqarsaatigalugit.

Imm. 4. Inatsisitigut ikiorneqarnissamut sillimmasiisoqarsimansoq qinnuteqaateqartup paassisutissiissutigissavaa taamaattoqarpallu sillimmasiisarfiup aqqa polisenormulu.

Imm. 5. Paassisutissanik allanik suliap suliarineqarnissaanut atugassanik Kalaallit Nunaanni Naalagaaffiup Sinniisuata aamma Civilstyrelsip qinnuteqaateqartoq pissarseqqusinnaavaa.

§ 8. Nalunaarut manna atuutilerpoq ulloq 1. januar 2017.

Imm. 2. Qinnuteqaatinut 1. januar 2017-mi kingusinnerusukkulluunniit suliarineqartussanut nalunaarut atutissaaq, eqqartuussisulersuut nammineq aningaasartuutiginagu qinnuteqaatigineqartoq ulloq taanna sioqqullugu naammassineqarsimappat.

Imm. 3. Kalaallit Nunaanni nammineq aningaasartuutiginagu eqqartuussisulersuussineq pillugu nalunaarut nr. 1437, 1. december 2015-meersoq atorunnaarsinnejarpooq. Taamaattorli nammineq aningaasartuutiginagu eqqartuussisulersuussinissamik qinnuteqaatini 1. januar 2017 sioqqullugu inaarlugit suliarineqartuni malinnejassalluni.

Justitsministeriet, ulloq 14. december 2016

Søren Pape Poulsen

/ Cecilie Maarbjerg Qvist